

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА

Комисија за спољну и трговинску
политику, царине, саобраћај и
комуникације




BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Комисија за ванјску и трговинску
политику, царине, саобраћај и комуникације
Повјеренство за ванјску и трговинску
политику, царине, промет и везе

Број: 02/2-50-8-23-6/20
Sarajevo, 24. 6. 2020.

PREDSJEDAVAJUĆEM DOMA NARODA
PARLAMENTARNE SKUPŠTINE
BOSNE I HERCEGOVINE

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24-06-2020			
Organizaciona jedinica	Klasifikaciona oznaka	Redni broj	Broj priloga
02/2-	170-18-	1245/20	

PREDMET: Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2018. godinu, - dostavlja se,


Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), i u skladu sa Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-575-1/13 od 10.4. 2014.) u prilogu dostavljamo Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2018. godinu.

Izvještaj je razmatran i usvojen na 6. sjednici Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održanoj 24. 6. 2020. godine.

S poštovanjem,

DOSTAVLJENO:

- naslovu
- a/a



**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА**

Комисија за спољну и трговинску
политику, царине, саобраћај и
комуникације



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-6/20
Sarajevo, 24. 6. 2020.

**IZVJEŠTAJ O RADU
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. DO 31. 12. 2018.**

Sarajevo, januar 2019.

Sadržaj

UVOD

POGLAVLJE I. Sjednice Komisije

ODJELJAK A. Statistički podaci o sjednicama

ODJELJAK B. Zakonodavne aktivnosti

ODJELJAK C. Međunarodni sporazumi

ODJELJAK D. Godišnji izvještaji

ODJELJAK E. Izvještaji o međunarodnim aktivnostima

ODJELJAK F. Ostali izvještaji i informacije

POGLAVLJE II. Ostale aktivnosti Komisije

ODJELJAK A. Tematski sastanci i rasprave

ODJELJAK B. Međunarodne aktivnosti

POGLAVLJE III. Rezime

Prilozi

*Tabela 1. Pregled sjednica Komisije s tačkama dnevnog reda i prisustvom,
1. 1 - 31. 12. 2018.*

Tabela 2. Prisustvo sjednicama Komisije, 1. 1 - 31. 12. 2018.

Prilog 3: Međunarodni sporazumi

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH”, br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1. 1. 2018. do 31. 12. 2018)

Uvodne napomene

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;

- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

POGLAVLJE I. SJEDNICE KOMISIJE

Odjeljak A. Statistički podaci o sjednicama

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: “Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.”

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda tokom 2018. godine bili su: Nebojša Radmanović, predsjedavajući, Sead Kadić, prvi zamjenik, i Mario Karamatić, drugi zamjenik predsjedavajućeg, Ognjen Tadić, Martin Raguž i Fahrudin Radončić, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Od septembra 2017. godine Nebojša Radmanović nije učestvovao u radu Komisije jer je podnio ostavku na mjesto člana i predsjedavajućeg Komisije, tako da je sjednice Komisije u 2018. godini, u odsustvu predsjedavajućeg Komisije, sazivao i vodio prvi zamjenik predsjedavajućeg Komisije Sead Kadić.

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavе pitanje u vezi s materijalom o kojem se raspravlja.

Komisija je u izvještajnom periodu održala sedam (7) sjednica:

- 38. sjednica	25. 1.	13 tačaka dnevnog reda
- 39. sjednica	20. 2.	17 tačka dnevnog reda
- 40. sjednica	21. 3.	10 tačaka dnevnog reda
- 41. sjednica	15. 5.	12 tačaka dnevnog reda
- 42. sjednica	5. 6.	13 tačaka dnevnog reda
- 43. sjednica	27. 7.	15 tačaka dnevnog reda
- 44. sjednica	11. 9.	7 tačaka dnevnog reda

Na sjednicama Komisije razmatrano je ukupno 87 tačaka dnevnog reda, što je u prosjeku 12 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije (Nenad Pandurević), stručna savjetnica (Kristina Milošević) i stručna saradnica (Dobrinka Savić).

Odjeljak B. Zakonodavne aktivnosti

U izvještajnom periodu Komisija je razmatrala jedan prijedlog zakona, i to:

1. Prijedlog zakona o izmjenama i dopunama Zakona o zrakoplovstvu Bosne i Hercegovine, predlagač: Predstavnički dom PSBiH

Prijedlog zakona razmatran je u Komisiji u prvoj i drugoj komisijskoj fazi. Domu naroda je blagovremeno dostavljeno mišljenje, odnosno izvještaj.

Dom naroda Parlamentarne skupštine BiH na 37. sjednici, održanoj 17. 4. 2018, usvojio je Prijedlog zakona o izmjenama i dopunama Zakona o zrakoplovstvu Bosne i Hercegovine.

Na osnovu Programa rada Vijeća ministara BiH za 2018, a što je poslužilo za izradu Orijentacionog plana Komisije za 2018. godinu, bilo je predviđeno da u parlamentarnu proceduru bude upućeno ukupno 15 prijedloga zakona iz nadležnosti Komisije.

Dakle, u parlamentarnu proceduru nije dostavljeno, iako je bilo predviđeno Planom rada Vijeća ministara BiH za 2018. godinu, sljedećih 14 prijedloga zakona: *Zakon o elektronskim komunikacijama, Zakon o prijenosu, regulatoru i unutrašnjem tržištu, operatoru sistema električne energije, Zakon o elektronskoj identifikaciji i uslugama povjerenja za elektronske transakcije, Zakon o izmjeni Zakona o poljoprivredi, ishrani i ruralnom razvoju Bosne i Hercegovine, Zakon o veterinarstvu u Bosni i Hercegovini, Zakon o hrani Bosne i Hercegovine, Zakon o radnom vremenu, obaveznim odmorima mobilnih radnika i uređajima za evidentiranje u drumskom prijevozu, Zakon o sigurnosti saobraćaja na putevima u Bosni i Hercegovini, Zakon o poštanskom sistemu Bosne i Hercegovine, Zakon o Javnom radiotelevizijskom sistemu Bosne i Hercegovine, Zakon o civilnom zrakoplovstvu Bosne i Hercegovine, Zakon o stvarno-pravnim odnosima u oblasti civilnog zrakoplovstva Bosne i Hercegovine, Zakon o elektronskim medijima i Zakon o vanjskim poslovima BiH.*

Prijedlog zakona o dopunama Zakona o komunikacijama, čiji je predlagatelj Vijeće ministara BiH, upućen je u parlamentarnu proceduru. Predstavnički dom usvojio je Prijedlog zakona na 57. sjednici, održanoj 20. 2. 2018. S obzirom na to da Ustavnopravna komisija Doma naroda nije utvrdila mišljenje o usaglašenosti Prijedloga zakona sa Ustavom BiH i pravnim sistemom, Prijedlog zakona nije dalje razmatran na sjednici Komisije za vanjsku i trgovinsku politiku, carine, saobraćaj i komunikacije DN.

Odjeljak C. Međunarodni sporazumi

U navedenom periodu ukupno su razmatrana 54 međunarodna pravna akta. Kompletan spisak je u prilogu Izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

Odjeljak D. Godišnji izvještaji

U toku 2018. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Upravnog odbora Izvozno-kreditne agencije BiH za 2017. godinu,
2. Izvještaj o radu i finansijski izvještaj Agencije za poštanski saobraćaj Bosne i Hercegovine za 2017. godinu,
3. Izvještaj o radu Državne regulatorne komisije za električnu energiju za 2017. godinu.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima, u kojima je Komisija, između ostalog, davala i konkretne prijedloge zaključaka.

Odjeljak E. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrana su ukupno 23 izvještaja sa službenih putovanja parlamentarnih komisija i delegacija.

Odjeljak F. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2017. godinu;
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2018. godinu;
3. Prijedlog strateškog plana ruralnog razvoja BiH (2018 - 2021) – okvirni dokument, dostavljen od Ministarstva vanjske trgovine i ekonomskih odnosa BiH;
4. Informacija Ministarstva vanjske trgovine i ekonomskih odnosa BiH o načinu i provođenju adekvatne kontrole nad finansijskim sredstvima koja Vanjskotrgovinska komora Bosne i Hercegovine ostvaruje u vršenju javnih ovlaštenja;

5. Izvještaj s konferencije povodom otvaranja Projekta „Tehnička podrška javnim medijskim servisima na Zapadnom Balkanu“, 26. i 27. juni 2018. godine;
6. Informacija Državne regulatorne komisije za električnu energiju o iznosima i broju korisnika subvencija za električnu energiju u vezi sa zaključkom Doma naroda Parlamentarne skupštine Bosne i Hercegovine s 40. sjednice.
7. Inicijativa bh. privrede za promjenu stope zatezne kamate na indirektno poreze, akt Vanjskotrgovinske komore BiH.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

POGLAVLJE II. OSTALE AKTIVNOSTI KOMISIJE

ODJELJAK A. Tematski sastanci i rasprave

Sastanak delegacije Svjetske trgovinske organizacije s članovima Komisije za vanjsku i trgovinsku politiku, carine, saobraćaj i komunikacije Doma naroda PSBiH

U okviru posjete delegacije Svjetske trgovinske organizacije Bosni i Hercegovini, odnosno Parlamentarnoj skupštini BiH, 22. 1. 2018. održan je sastanak predstavnika Komisije za vanjsku i trgovinsku politiku, carine, saobraćaj i komunikacije Doma naroda PSBiH i Komisije za vanjsku trgovinu i carine Predstavničkog doma s predstavnicima Svjetske trgovinske organizacije (WTO).

Na sastanku je naglašeno da u našoj zemlji, uprkos kompleksnosti same strukture, a time i političke situacije, postoji puni konsenzus svih političkih stranaka, kao i politička volja svih institucija za što brže okončanje preostalih bilateralnih pregovora i za pristupanje Bosne i Hercegovine WTO-u. Poslanici i delegati iz nadležnih komisija oba doma PSBiH poručili su delegaciji WTO-a da će punopravno članstvo Bosne i Hercegovine u WTO-u biti snažan podsticaj za razvoj ekonomije naše zemlje, kao i ispunjavanje važnog uslova za nastavak procesa evropskih integracija Bosne i Hercegovine.

Ambasador Paparizov, ambasador Republike Bugarske pri Svjetskoj trgovinskoj organizaciji i predsjedavajući Radne grupe za pristupanje Bosne i Hercegovine Svjetskoj trgovinskoj organizaciji, istakao je da je ohrabren punom posvećenošću predstavnika najvažnijih institucija BiH okončanju pregovora o pristupanju BiH WTO-u, te izrazio optimizam da će na narednim pregovorima u WTO-u biti postignut napredak koji bi omogućio Bosni i Hercegovini da potpiše Sporazum o pristupanju WTO-u.

Prezentacija Projekta „Tehnička podrška javnim medijskim servisima na Zapadnom Balkanu“

Predstavnici Projekta „Tehnička podrška javnim medijskim servisima na Zapadnom Balkanu“, koji finansira Evropska unija, održali su 21. 3. 2018. sastanak s prvim zamjenikom predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda i predsjedavajućim Komisije za saobraćaj i komunikacije Predstavničkog doma. Na sastanku je prezentiran projekat koji će se realizirati u periodu 2018 – 2020. godine, a čiji je cilj doprinos reformama i profesionalnom razvoju medijskih javnih servisa na Zapadnom Balkanu. Projekat se sastoji od tri komponente, od kojih se prva odnosi na politički nivo i cilj joj je ponovo uspostaviti evropske standarde i najbolju praksu u regiji Zapadnog Balkana kao zajednički referentni standard za nezavisne i profesionalne medije u pogledu modela finansiranja i u pogledu izbora i funkcioniranja upravnih tijela javnih medijskih servisa. Druga komponenta odnosi se na unutrašnje kapacitete medijskih javnih servisa, a treća se odnosi na podršku razvoju programskih sadržaja. Predstavnici obje komisije izrazili su spremnost da podrže i sarađuju u realizaciji projekta kako bi projekat rezultirao konkretnim pomacima i jačanju javnih servisa u Bosni i Hercegovini.

Konferencija povodom otvaranja Projekta „Tehnička podrška javnim medijskim servisima na Zapadnom Balkanu“ održana je 26. i 27. juna 2018. godine u Tirani. Na konferenciji su u ime Komisije učestvovali Sead Kadić i Mario Karamatić, prvi i drugi zamjenik predsjedavajućeg Komisije.

ODJELJAK B. Međunarodne aktivnosti

Osim redovnih sjednica, članovi Komisije su u 2018. učestvovali i u drugim aktivnostima, a ovdje izdvajamo najznačajnije:

- Sastanak članova Komisije s delegacijom Svjetske trgovinske organizacije, Sarajevo, 22. januar 2018;
- Učešće prvog zamjenika predsjedavajućeg Seada Kadića na sastanku predsjedavajućih komisija za energetiku parlamenata država članica Evropske unije, Sofija, 14. maj 2018;
- Učešće sekretara Komisije Nenada Pandurevića na sastanku Parlamentarnog plenuma Energetske zajednice, Brisel, 24. april 2018;
- Učešće prvog zamjenika predsjedavajućeg Seada Kadića u studijskoj posjeti Bundestagu u okviru Projekta „Regionalna saradnja i razvoj kapaciteta parlamentaraca u domenu energetske efikasnosti i zaštite klime u Jugoistočnoj Evropi“, Berlin, 6 - 9. juna 2018;
- Učešće Seada Kadića i Marija Karamatića, prvog i drugog zamjenika predsjedavajućeg, na konferenciji „Tehnička podrška javnim medijskim servisima na Zapadnom Balkanu“, Tirana, 26. i 27. juni 2018;

- Posjeta Vanjskotrgovinskoj komori BiH, 28. august 2018;
- Učešće prvog zamjenika predsjedavajućeg Komisije Seada Kadića i sekretara Komisije Nenada Pandurevića na Drugom parlamentarnom forumu Jugoistočne Evrope o energetskej efikasnosti i klimi, 27. novembra 2018. u Skoplju, kao i na sastanku Parlamentarnog plenuma Energetske zajednice, također u Skoplju, 28. novembra 2018.


POGLAVLJE III. R E Z I M E

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2018. godini bio uspješan. Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi materijali iz nadležnosti Komisije blagovremeno su razmatrani, a svi izvještaji, mišljenja i drugi akti blagovremeno su dostavljani predsjedavajućem, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2018. maksimalno je nastojala doprinijeti uspješnom radu Doma naroda.



Prilog

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2018.

Tabela 2. Prisustvo sjednicama Komisije, 1. 1 - 31. 12. 2018.

Prilog 3. Međunarodni sporazumi

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2018.

Broj i datum održavanja	Broj razmatranih tačaka	Prisustvo članova (%)
38. sjednica 25. 1. 2018.	13	67
39. sjednica 20. 2. 2018.	17	67
40. sjednica 21. 3. 2018.	10	67
41. sjednica 15. 5. 2018.	12	67
42. sjednica 5. 6. 2018.	13	67
43. sjednica 27. 7. 2018.	15	67
44. sjednica 11. 9. 2018.	7	67
Ukupan broj sjednica: 7	Ukupno tačaka: 87	Prosjek prisustva: 67%

Tabela 2. Prisustvo sjednicama Komisije, 1. 1 - 31. 12. 2018.

Sjednice/članovi	Nebojša Radmanović	Sead Kasić	Mario Karamatić	Ognjen Tadić	Fahrudin Radončić	Martin Raguz	Ukupno
38. sjednica, 31. 1.	* - (O)	+	+	+	- (O)	+	4
39. sjednica, 6. 4.	- (O)	+	+	+	- (O)	+	4
40. sjednica, 3. 5.	- (O)	+	+	+	- (O)	+	4
41. sjednica, 25. 5.	- (O)	+	+	+	- (O)	+	4
42. sjednica, 29. 6.	- (O)	+	+	+	- (O)	+	4
43. sjednica, 17. 7.	- (O)	+	+	+	- (O)	+	4
44. sjednica, 27. 9.	- (O)	+	+	+	- (O)	+	4
Ukupno	0/7	7/7	7/7	7/7	0/7	7/7	28/42
%	0	100	100	100	0	100	67

Legenda: (O) – Opravdano odsutan

* U 2018. godini Nebojša Radmanović nije učestvovao u radu Komisije, jer je u septembru 2017. podnio ostavku na mjesto člana i predsjedavajućeg Komisije.

Prilog 3. Međunarodni sporazumi

1. Sporazum o zajmu za Projekat jačanja bankarskog sektora;
2. Sporazum o finansiranju Državnog programa aktivnosti za Bosnu i Hercegovinu za 2016. godinu između Evropske unije i Bosne i Hercegovine;
3. Ugovor o dodjeli bespovratnih sredstava između Centralne izborne komisije Bosne i Hercegovine i Vijeća Evrope;
4. Sporazum s Vladom Narodne Republike Kine o privredno-tehničkoj saradnji;
5. Sporazum o zajmu i projektu za Vjetropark „Hrgud“;
6. Sporazum o finansiranju za program Interreg V-B Mediteran;
7. Sporazum s Vladom Mađarske o saradnji u oblasti turizma;
8. Sporazum s Vladom Republike Armenije o ukidanju viza za nosioce diplomatskih pasoša;
9. Sporazum s Vladom Republike Makedonije o uzajamnom priznavanju i zamjeni vozačkih dozvola;
10. Nota sporazum s Vladom Narodne Republike Kine o donaciji opreme za sigurnosne provjere;
11. Sporazum o grantu za Projekat smanjenja faktora zdravstvenih rizika;
12. Sporazum o finansiranju za program Interreg V-B Jadransko-jonski program transnacionalne saradnje;
13. Sporazum s Kraljevinom Španije o razmjeni i međusobnoj zaštiti tajnih podataka;
14. Protokol s Vladom Republike Italije o primjeni Sporazuma između Evropske zajednice i Bosne i Hercegovine o readmisiji lica koja borave bez dozvola;
15. Protokol o saradnji s Vladom Republike Hrvatske o traženju nestalih osoba;
16. Ugovor o osnivanju transportne zajednice između Evropske unije i strana potpisnica iz Jugoistočne Evrope: Republika Albanija, Bosna i Hercegovina, Bivša Jugoslovenska Republika Makedonija, Crna Gora, Republika Srbija i Kosovo*;
17. Sporazum o izmjenama i dopunama Sporazuma s Vladom Republike Bugarske o međunarodnom drumskom prijevozu putnika i tereta;
18. Dodatni protokol 5 uz Sporazum o izmjeni i pristupanju Centralnoevropskom sporazumu o slobodnoj trgovini (CEFTA 2006);
19. Ugovor o dodjeli bespovratnih sredstava između Centralne izborne komisije Bosne i Hercegovine i Vijeća Evrope;
20. Ugovor o dodjeli bespovratnih sredstava između Centralne izborne komisije Bosne i Hercegovine i Vijeća Evrope;
21. Sporazum o grant sredstvima za unapređenje sigurnosti žena i odgovora za rodno zasnovanu diskriminaciju i nasilje u Bosni i Hercegovini (BHZ-16-0004);
22. Sporazum između Ministarstva odbrane Bosne i Hercegovine i Ministarstva nacionalne odbrane Narodne Republike Kine o vojnoj pomoći za Bosnu i Hercegovinu;
23. Sporazum s Vladom Narodne Republike Kine o međusobnom ukidanju viza za nosioce običnih pasoša;

* Ovaj naziv ne prejudicira pozicije u vezi sa statusom i u saglasnosti je s UNSCR 1244/99 i mišljenjem Međunarodnog suda pravde o Kosovskoj deklaraciji o nezavisnosti

24. Sporazum o finansiranju i projektu između KfW-a, Bosne i Hercegovine, Federacije Bosne i Hercegovine i Grada Zenice za Projekat „Prikupljanje i tretman otpadnih voda, Zenica“;
25. Amandman broj 1 na Ugovor o finansiranju – Distribucija električne energije BiH/C);
26. Izmjene i dopune (iz 2016. godine) Konvencije o radu na moru (MLC) iz 2006. godine;
27. Protokol iz 2014. godine uz Konvenciju o prisilnom radu iz 1930. godine Međunarodne organizacije rada;
28. Amandman na Sporazum o grantu u vezi sa Regionalnim stambenim programom i u vezi s drugim potprojektom u okviru Državnog projekta stambenog zbrinjavanja u Bosni i Hercegovini;
29. Sporazum o finansiranju Programa aktivnosti prekogranične saradnje Bosna i Hercegovina – Crna Gora 2015 - 2017, za 2016. godinu;
30. Ugovor o saglasnosti na uvećanje zajma i prihvatanju uvećanja obaveza po Ugovoru o garanciji (Banja Luka – Doboj - faza 1) i Ugovora broj 2 o Amandmanu na Ugovor o zajmu (Banja Luka – Doboj - faza 1);
31. Amandman br. 3 na Ugovor između Evropske investicione banke, Bosne i Hercegovine i Federacije Bosne i Hercegovine i Naknadni amandman na Ugovor/Vodovod i kanalizacija u Federaciji BiH;
32. Ugovor o finansiranju– Autoput Banja Luka - Doboj B;
33. Sporazum o saradnji s Vladom Republike Srbije u procesu pristupanja Evropskoj uniji;
34. Posebni sporazum između Vijeća ministara BiH i Švedske o podršci Direkciji za Evropske integracije;
35. Sporazum o finansiranju Programa aktivnosti prekogranične saradnje Srbija – Bosna i Hercegovina za 2016. godinu;
36. Sporazum između Bosne i Hercegovine i Kraljevine Španije o međunarodnom drumskom saobraćaju;
37. Memorandum o razumijevanju s Vladom Države Katar o saradnji u oblasti obrazovanja, visokog obrazovanja i naučnog istraživanja;
38. Memorandum o razumijevanju s Vladom Države Katar o saradnji u oblasti zdravstva, proizvodnje lijekova i zapošljavanja zdravstvenih radnika;
39. Memorandum o razumijevanju s Vladom Države Katar o saradnji u oblasti mladih;
40. Aranžman o bespovratnoj pomoći za fazu provođenja, funkcioniranja i održavanja / Modernizacija regionalnog puta R-435 Nevesinje - Berkovići,;
41. Sporazum o zajmu za Projekat restrukturiranja Željeznica Republike Srpske;
42. Sporazum s Vladom Narodne Republike Kine o privredno-tehničkoj saradnji;
43. Ugovor o garanciji za Koridor 5c u RS-u, Dio 1;
44. Izmjene i dopune Sporazuma o uspostavljanju međunarodne organizacije ST-EP (Eliminacija siromaštva putem održivog turizma);
45. Sporazum o zaštiti šišmiša u Evropi (EUROBATS), London, 4. 12. 1991;
46. Sporazum s Vladom Republike Makedonije o uslovima putovanja državljana dvije države;
47. Sporazum s Vladom Češke Republike o kulturnoj, obrazovnoj i naučnoj saradnji;
48. Ugovor o finansiranju za Koridor 5c Mostar jug;
49. Ugovor o finansiranju za Koridor 5c Zenica sjever;

50. Sporazum o investicionom grantu za Mediteranski koridor (R2a): Bosna i Hercegovina – Interkonekcija Hrvatska – Izgradnja prekograničnog mosta u Gradišci;
51. Amandman broj 1 na Ugovor o finansiranju - Distribucija električne energije BiH/B;
52. Okvirni sporazum o zajmu za Projekat regionalnog vodosnabdijevanja “Plava voda”
53. Sporazum o zajmu sa Saudijskim fondom za razvoj – Izgradnja i obnova određenog broja bolnica u Bosni i Hercegovini;
54. Sporazum o zajmu sa Saudijskim fondom za razvoj – Razvoj infrastrukture u općini Stari Grad, Sarajevo.